



SAKSPAPIR

Saksnr	Utval	Type	Dato
04/2019	Valstyret	PS	06.05.2019

Sakshandsamar	Arkiv	ArkivsakID
Sølvi Legård	FE-014	19/48

GODKJENNING AV LISTEFRAMLEGG

Vedlegg:

Listeframlegg

Rådmannen sitt framlegg til vedtak:

Listeframlegga frå Arbeiderpartiet, Fremskrittspartiet, Høgre, Kristelig Folkeparti, Miljøpartiet De Grønne, Rødt, Senterpartiet og Sosialistisk Venstreparti vert godkjende slik dei ligg føre.

Saksopplysningar:

Innan fristen er desse listene innleverte:

Arbeiderpartiet
Fremskrittspartiet
Høgre
Kristelig Folkeparti
Miljøpartiet De Grønne
Rødt
Senterpartiet
Sosialistisk Venstreparti

Listeframlegga er kontrollerte i samband med innleveringa.

Listeframlegget frå Rødt vart sendt på epost innan kl 1200 den 01.04. utan underskrifter. Eigen epost med signatur frå tillitsvalde for vallista vart motteke mellom kl 1200 og kl 1220 samme dag.

I valhandboka kap. 7.3 3. avsnitt står det: «*Dersom listeforslaget blir sendt på faks eller e-post (der signaturene på forslaget fremkommer) innen 31. mars, vil dette være innenfor fristen. Men det er en nødvendig forutsetning at liste med originale underskrifter sendes i posten/leveres med en gang*»

Listeframlegg med originale underskrifter vart innlevert seinare samme dag.

Sekretæren i valstyret har vore i kontakt med Valgdirektoratet om tolkinga av det som står i valhandboka, og har fått følgjande svar: «*Kravene til listeforslag, og valgmyndighetenes behandling av disse, fremkommer i valgloven kap. 6, jf. valgforskriften kap. 3. Det er valgmyndighetenes ansvar å vurdere om listeforslaget oppfyller lovens krav.*»

I samsvar med vallova § 6-5 kan innlevert listeforslag kallast tilbake av tillitsutvalet. Erklæring om tilbakekalling må være innlevert seinast kl 12 den 20. april. Valstyret har ikkje motteke melding om tilbakekalling for nokon av listene.

I samsvar med vallova § 6-6 (5) har alle kandidatane på vallistene fått melding om at dei er sette opp på eit listeframlegg, og fått opplysning om adgangen til å søkje om fritak. Frist for tilbakemelding var sett til 23. april. Valstyret har motteke søknad om fritak frå kandidat nr 4 på listeframlegget frå Rødt. Tillitsvald for listeframlegget er kontakta. Frist for tilbakemelding er sett til tysdag 30. april. Dersom valstyret ikkje mottek eit nytt kandidatframlegg innan fristen, kan ikkje lista godkjennast.